



Fegl d'infurmaziun per sustegnair uniuns grischunas e lur engaschament per promover l'integraziun

1) Situaziun da partenza

La participaziun sociala – ina premissa per avair success cun l'integraziun – ha lieu là, nua che umans vivan. Uniuns ed organisaziuns èn instituziuns socialas che collian e che han in grond potenzial d'integraziun en la societad, e quai betg mo per persunas estras. Uniuns èn rait che promovon l'integraziun e che rinforzan l'identificaziun cun il pajais ospitant. Sin basa da tratgs cuminaivels furman ellas ina rait da sustegn structurada che dat in'orientaziun a las persunas immigradas e prevegn a l'isolaziun.

Perquai sustegna il post specialisà per l'integraziun uniuns ed organisaziuns che s'engaschan explicitamain per l'integraziun, che recruteschan activamain persunas estras e che promovon il barat social tranter las persunas immigradas e las persunas indigenas. Sut quest aspect vegnan sustegnidas er uniuns da persunas estras che sa stentan per ina collavuraziun e per projects a lunga vista cun uniuns da persunas indigenas.

2) Finamiras

Tras impuls finansials vul il post specialisà per l'integraziun remunerar uniuns da persunas estras e da persunas indigenas per lur engaschament en il sector da l'integraziun.

La finamira è quella da promover sistematicamain la maschaida sociala, la participaziun ed il barat tranter las persunas immigradas e las persunas indigenas tras activitads da las uniuns a vista mesauna ed a lunga vista. Decisiv per il sustegn chantunal n'è betg il dumber da commembras e da commembers esters, mabain las stentas concretas da l'uniun per s'avrir. En quest connex vegnan spetgadas per part differentas incumbensas d'uniuns da persunas estras e d'uniuns da persunas indigenas resp. d'uniuns maschadadas.

3) Criteris da sustegn decisivs:

- Sustegnidas vegnan exclusivamain organisaziuns ed uniuns cun sedia en il Grischun che pon vegnir divididas en duas categorias:
 - uniuns da migrantas e migrants che sa stentan activamain per la collavuraziun a media ed a lunga vista cun uniuns da persunas indigenas
 - uniuns da persunas indigenas che realiseschan sistematicamain activitads per l'access intercultural, per recrutar migrantas e migrants e per la collavuraziun a media ed a lunga vista cun uniuns da migrantas e migrants.
- Questas organisaziuns ed uniuns han ina clera structura e designeschan ina persuna da contact.
- Las organisaziuns e las uniuns menziunadas sa stentan activamain e sistematicamain per l'integraziun e per l'access intercultural e pon preschentar activitads correspondentas a media ed a lunga vista.

4) Betg sustegnidas na vegnan:

- Occurrenzas unicass sco p.ex. festas, seminaris u excursiuns
- Uniuns che sa numnan bain "avertas per tuttas e per tuts", che na pon dentant betg cumprovar ch'ellas sa stentian da realisar sistematicamain quest credo en il mintgadi da lur uniun.

5) Obligaziuns da las instituziuns che survegnan contribuziuns:

- Mintga dumonda per contribuziuns chantunalas cumpiglia ina curta descripziun da las activitads planisadas sco er indicaziuns per cuntanscher la gruppa en mira ed infurmaziuns davart la durada da l'engaschament.
- Suentar avair terminà l'engaschament sto vegnir tramess al post spezialisà in curt facit en scrit.

6) Contribuziuns:

- Las contribuziuns finanzialas ad uniuns vegnan pajadas ina giada ed importan tranter 500.– francs e maximalmain 3 000.– francs.
- Decisivas per l'import da l'impuls finanziel èn la lavur e las expensas (lavur en uffizi d'onur, finanzas, temp) che vegnan investidas da l'uniun a favur da la promoziun da l'integraziun e da l'access intercultural.
- Ils daners che vegnan concedids stattan a libra disposiziun a las uniuns benefiziadas.
- I na po vegnir fatg valair nagin dretg da survegnir in sustegn finanziel dal chantun (art. 27 al. 1 OtLItLEA).

7) Inoltraziun, contact e cussegliaziun

Uffizi da migraziun e da dretg civil dal Grischun

Post spezialisà per l'integraziun

"Sustegn d'uniuns"

Engadinstrasse 24

7001 Cuira

Per dumondas As stat a disposiziun:

Patricia Ganter Sonderegger, incumbensada chantunala d'integraziun

Tel. 081 257 36 81

E-mail: patricia.ganter@afm.gr.ch